



### Von Reinicken Fuchs/

Schäm dich ein ander zeit doch mehr/  
 Vnd sey nicht mehr also vermessen/  
 Gehe hin vnd hole vns mehr zu essen.  
 Ich gteug mit im / vnd thets auch gern/  
 Wir wanderten auch nicht gar fern/  
 Ein fettes Kalb wir auch da brochten/  
 Des ihr gar wol gelachen mochten.  
 Ihr lobt mich fast /vnd war euch werth/  
 Das Kalb war euch durch mich bescherdt.  
 Ihr wolt/ich solt theilen das Kalb/  
 Da gab ichs euch von stund an halb/  
 Die ander helfft der Königin/  
 Das ander/das denn war darinn/  
 Als Hertz/Miltz/Lebern/Mag/ vnd Lunge/  
 Das solt ihr bringen euwer jungen/  
 Das haupt sol haben Isengrein/  
 Vnd die Füß die waren mein.  
 Als ihr das hort/spracht ir dor:  
 Reinicken wer lehrt dich theilen also:  
 Ich sprach: Das lehrt Isengrein/  
 Mit der grossen Beulen sein.  
 Sehet herr König /gnediger Herr/  
 Solche vnd dergleichen ehr/  
 Habt ihr bey mir zu allen stunden/  
 Offimals gar viel vnd manche funden/  
 Was ich hab vnd mag gewinnen/  
 Ist alles euwer vnd der Königinnen.  
 Das meiste theil//das wist ihr wol/  
 Daff ich mich selbs nicht loben sol/  
 Denckt jr mir an das Schwein vnd Kalb/  
 Sindt jr die warheit mehr denn halb.  
 Bey wem die rechte treuw mög seyn/  
 Bey Reinicken oder Isengrein.

353

351

357

347

362

342

402

302

252

Ende

Anfang